

特約撰述 香港新界風土名勝大觀 江山故人

(八八一) (禁止轉載)

第三章 南部寫真

(八) 九華徑

九華徑，土名狗爬洞，或取其名雅，至今土人沿路之，該處去荔枝角之西北，居里，乘車至荔枝角終站，下車步行，需時十分，或乘來往元豐之第九段長途汽車，過荔枝角監獄半英里，左望能見全村，亦有山徑可至其地者，計需半小時也。村之三面環山，西有大洞山，北

有龍頸山，東有竹仔山，皆高三四百英尺耳。龍頸山而上，是為大窩山、石梨頭山、山脈相接，勢如迴瀾，是村實居石梨頭山之西南麓也。而荔枝角灣在其南，一水三山，形勢天然，又如小谷，其幅員雖狹，而田野縱橫，村居錯落，別見其幽趣者也。村居約有二十餘間，間有高二層者，皆偏處東北兩部，又有小涌自東北山間而下，經村之東而加入荔枝角灣，其源發自龍頸山與竹仔山之間，初為數小長溪，參差

激流，浙瀝微瀾，越綠叢深處而注於沙石間，遂成小涌。村舍臨流，婦女浣衣其中，粵婦如蟻，涌而居，全村居者二百餘人，有吳曾二姓，吳姓僅有兩家，餘為曾姓矣。曾氏之世系，本為武城望族，源遠流長，循於中國，此村之曾氏，亦為該族遠裔，遠如曾夫子，近如曾文正公，其族人，其先世原居歸善淡水，與牛崗者，至清乾隆年間，移居新安，遷竹角（在大欖浦），後徙九華徑，落籍該處之始祖為曾維亨。

今薛於城門石梨頭山之芒田，並有墓誌紀其事，村人任昔曾集資編自武城曾子重修族譜一書，凡四厚冊，舉凡我國之曾族，備載無遺。九華徑不遠佔其八，頁耳。曾氏家祠設於村北，為小屋一楹，不事裝飾，地為遍生苔綠，先人神位之左右，伴以聯曰：沂水衣冠昭燕翼，東山世澤啓鴻圖。又曰：金爐不竭千年火，玉蕊長明萬載燈。村西大洞山之麓，則有小寮數間，用以貯禾稈者，餘則無人居矣。（未完）

特約撰述

香港新界風土名勝大觀

江山故人

(九八一)

(禁止轉載)

第三章 南部寫真

(八) 九華徑

竹仔山之麓、有養正學校、門臨小涌、為橋連之、校舍高二層、額題「養正家塾」四字、金字白底、頗覺名貴、校內設、雅潔整飭、除課堂外、又設閱書室、學程分、初級等小學、現有讀者四十餘人、每生年納學費十圓至十四圓、長者免繳、民國廿四年、該校全年經費定七百二十圓、聘請教員三人、有不敷者、村人共同負擔之

、該村婦女、多學耕植、男、子有出外謀生者、亦有出為航海者、村人皆彬彬有禮、又能好客、游者有所問、必絮絮為道村中事、風俗之淳、足為世範、村中又有雜貨店兩間、皆為曾氏所設、非專為營利、乃所以應村人之需求耳、

(九) 葵涌

葵涌去九華徑之北約一英里、由尖沙嘴至此為七英里餘、青山道上之路碑明載之也、第九段長為汽車、自

官涌佐敦道碼頭至此、需時二十三分、其西北去荃灣一英里許耳、全村居石梨頭山與大帽山之麓、面積甚廣、由北而南、幾達二英里、其西南臨海、對青衣、有仔角、磨石、攏攏、拖苦排等小灣、合而成為一大灣、統名曰葵涌灣、英文地圖註名曰Kwai Chung Bay者是也、灣內有青洲及網洲、網洲居攏攏灣側、山高九十二英尺、面積極小、約有一英方里之十六份一、青洲(Kwai Tsing)峙立中流、居仔角灣

之南、面積六倍於網洲、山高一五九英尺、洲上無人居住、時有人到此採石、香港飛船亦多集于此、然後將荳連往廣州發售、每担四五角、村北有涌自大帽山麓而來、徑全村而入于海、長二英里、其支流甚多、至葵涌灣、沙流錯雜、其形如葵、故曰葵涌、全村大別為上下葵涌、青山道貫其中、在青山道之南者、曰上葵涌、在青山道之下葵涌、土人亦有稱之曰中葵涌者、(未完)